Ўзбекистон Республикаси номидан ХАЛ ҚИЛУВ ҚАРОРИ

Ғаллаорол тумани

2024 йил 02 июль

Ғаллаорол туманлараро иқтисодий суди раиси-судья Ш.Қодиров раислигида, даъвогар вакили О.Қулдошев (2024 йил 02 июлдаги 59-сонли ишончнома асосида) иштирокида, даъвогар "ВМВ ЕХІМ" масъулияти чекланган жамияти манфаатида Ўзбекистон Савдо-саноат палатаси Жиззах вилоят худудий бошқармасининг жавобгар "TEMURJON BALLI" фермер хўжалигидан 7.530.000 сўм қарздорлик ундириш тўғрисидаги даъво аризаси бўйича ишни кўриб чиқиб, қуйидагиларни

аниклади:

Даъвогар "BMB-EXIM" масъулияти чекланган жамияти манфаатида Ўзбекистон Савдо-саноат палатаси Жиззах вилоят худудий бошқармаси Ғаллаорол туманлараро иқтисодий судига даъво аризаси билан мурожат қилиб, жавобгар "TEMURJON BALLI" фермер хўжалигидан 7.530.000 сўм қарздорлик ундиришни сўраган.

Даъвогар вакили даъво талабини қўллаб-қувватлади.

Жавобгар вакили суд мажлисига келмади. Суд ишни жавобгар вакилининг иштирокисиз кўриб чиқишни лозим топади.

Ўзбекистон Савдо-саноат палатаси Жиззах вилоят худудий бошқармаси ишни ўзинниг иштирокисиз кўриб чиқишни сўраган.

Суд иш хужжатлари билан танишиб чиқиб, даъвогар вакилининг фикрларини тинглаб қуйидаги асосларга кура даъво талабини қаноатлантиришни лозим топади.

Иш хужжатларидан кўринишича, "BMB-EXIM" масъулияти чекланган жамияти - ("Буюртмачи") ва "TEMURJON BALLI" фермер хўжалиги ("Етказиб берувчи") ўртасида 2023 йил 15 февралдаги F/6-сонли "Қишлоқ хўжалик маҳсулотлари харид қилиш бўйича" контрактация шартномаси тузилган.

Мазкур шартномага асосан, "Етказиб берувчи" - "TEMURJON BALLI" фермер хўжалиги "Буюртмачи" – "ВМВ-ЕХІМ" масъулияти чекланган жамиятига қишлоқ хўжалик маҳсулотлари етказиб бериши келишилган.

Шартномага кўра "BMB-EXIM" масъулияти чекланган жамияти томонидан "TEMURJON BALLI" фермер хўжалигига махсулот етиштириш учун уруғлик (кўчатлар ва бошқа менерал ўғитлар) берган.

Хусусан, иш ҳужжатларидаги 2023 йил 01-июль кунги 432-сонли хисобфактурадан кўринишича жавобгарга 11.306.250,48 сўмлик уруғлик маҳсулотлар (кўчатлар ва бошқа менерал ўғитлар) берилган.

Бироқ, шартномага кўра "TEMURJON BALLI" фермер хўжалиги "BMB-EXIM" масъулияти чекланган жамиятига шартномага мувофиқ қишлоқ хўжалиги махсулотларини (тўлиқ) етказиб бермаган. Шунга кўра, жавобгарни даъвогар олдида етказиб берилган уруғлик (кўчатлар ва бошқа менерал ўғитлар) ҳисобидан 7.530.000 сўм қарздорлиги қопланмасдан қолган.

Даъвогар қарздорлик қоплаш ҳақида жавобгарга талабнома жунатган. Бироқ, қарздорлик қопланмаган.

Шундан сўнг, Ўзбекистон Савдо-саноат палатаси Жиззах вилоят худудий бошқармаси даъвогар манфаатида судга мурожаат қилиб ушбу қарздорликни ундириб беришни сўраган.

Ўзбекистон Республикаси Фуқаролик кодексининг 236-моддасига кўра мажбуриятлар мажбурият шартларига ва қонун хужжатлари талабларига мувофиқ, бундай шартлар ва талаблар бўлмаганида эса - иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак.

Ушбу Кодекснинг 333-моддасига кўра қарздор айби бўлган тақдирда мажбуриятни бажармаганлиги ёки лозим даражада бажармаганлиги учун, агар қонун ҳужжатларида ёки шартномада бошқача тартиб белгиланмаган бўлса, жавоб беради.

Юқоридагиларга кўра, суд даъвогарнинг даъво аризасини тўлиқ қаноатлантириб, жавобгар "TEMURJON BALLI" фермер хўжалигидан даъвогар "ВМВ-ЕХІМ" масъулияти чекланган жамияти фойдасига 7.530.000 сўм қарздорликни ундиришни ҳамда Ўзбекистон Республикаси Иқтисодий процессуал кодексининг 118-моддасига мувофик, ишни судда кўриш билан боғлиқ давлат божи ва почта харажатини ҳам жавобгардан ундиришни лозим деб топади.

Баён этилганларга кўра ҳамда Ўзбекистон Республикаси Фуқаролик кодексининг 236, 333-моддалари ва Ўзбекистон Республикаси Иқтисодий процессуал кодексининг 21-боб қоидаларини қўллаб, суд

қарор қилади:

Даъвогарнинг даъво аризаси тўлиқ қаноатлантирилсин.

Жавобгар "TEMURJON BALLI" фермер хўжалигидан даъвогар "BMB-EXIM" масъулияти чекланган жамияти фойдасига 7.530.000 сўм қарздорлик ва олдиндан тўланган 34.000 сўм почта ҳаражати ундирилсин.

Жавобгар "TEMURJON BALLI" фермер хўжалигидан Республика бюджетига 340.000 сўм давлат божи ундирилсин.

Ҳал қилув қарори қабул қилинган пайтдан бошлаб бир ой муддат ўтгач қонуний кучга киради.

Хал қилув қарори қонуний кучга киргач ижро варақалари берилсин.

Мазкур ҳал ҳилув ҳарори ҳабул ҳилинган кундан эътиборан бир ой ичида апелляция тартибида, ҳал ҳилув ҳарори ҳонуний кучга киргандан сўнг эса олти ой ичида кассация тарти гуманлараро иҳтисодий суди орҳали Жиззах вилоят суди (иг буйича судлов ҳайъати)га

шикоят (протест) бериши мумки

Ш.Кодиров